



Gorilla

jokerensis

Syt 150 Joor – doo bisch baff
Lääbt sich s im Zolli guet als Aff
Miir Dier mache s eich Mensche vor
Sin fir die Äärde kai sottig Gfoor



Läbensruum

Gnille und Glyggekäller

Läbenswys

in Gruppe bis zu 12 Männli

Naarig

Bier, Steak, Pizza, Döner

Fuurtplanzig

kaini gnaue Agoobe

Finde

Zircher Laie, Jääger us em Norde

Verbrautig
Claramatte, Glaibasel

Gwicht
60 - 200kg

Alter
bis 50 Joor



B-DE

FR

EN

AA

JOKER
WAGGAS
1997



150
Joor Zolli




097
Joor Zolli



doo bisch baff




Dreiroose Pavian




Z Nacht muess y mini Fiess verdrampe
Schwing mi drum vo Lambbe zu Lambbe
Uf d Dreirooseaalag gang y go gaffe
Deert dien d Mensche schlimmer wie d Affe

BV Bäär




Es faart e glaine BV Bäär
Mit sym Drämmli numme hii und häär
Sini Frinde wärde immer raarer
Es fäält der BVB an Faarer

Roothuus Fuuldier




Wenn y mied bi – wott go pfluuse
Schiggt mi der Wäärter als uuse
Am beschte liggsch, so het er gfunde
In Grossrootssaal im Roothuus unde

Märtplatz Pfau




Ha welle d Freie aabe laufe
Im Pfaue gon e Banane kaufe
Bletzlig bin y im hooche Booge
Iber son e E-Trotti gflooge

Wooghof Bulle




D Schugger hän d Naase zimli voll
Der Kopf aane heebe isch nit toll
Ain mit Erfaarig soll drum koo
Der Tauli wird in s Korps ufgnoo

Glaibasler Vogelgryff




Us em Rääbhuus wird der Leu entwändet
Der Arm abgrisse, das Dierli gschändet
Die Langfingerzumpft maint der Wildi Maa
Kunnt vom Vogelgryff no richtig dra

"Haimkoo" Vogel




An der Birs grad deert bim Joggeli unde
Han y en abgstiirzte Vogel gfunde
Dä kunnt gflooge bi Wind und Rääge
Us em Byyroo vom David Dääge

Minschter Schlange




Mit Binggis kann y guet umgoo
Gsee die oft um s Keefig stoo
Doo sait mir letschi sone Pfaff
Sii mache mit Binggis gärn der Aff

Wettstai Pinguin



E Comité Pinguin sait unverdrosse
Äär haig in der Stadt e Waggis gschosse
Bruuchsch Pfyyl und Booge oder Gweer und Blei
Denn d Fasnächtler sin jetz vogelfrei

Bangge Hai



Y ha mi Gäld sinnvoll inveschiert
Hinter Felse im Zolli deponiert
Der neu Wärter macht doo drus e Gschiss
Äär kunnt grad frisch vo der Credit Suisse

